

**V RADNA SJEDNICA UPRAVNOG ODBORA**  
**Javne ustanove Bosansko narodno pozorište Zenica**

**Z A P I S N I K**

**MJESTO:** Trg Bosne i Hercegovine broj 3, Zenica, zgrada Javne ustanove Bosansko narodno pozorište Zenica, II sprat, Kancelarija broj 45  
**DATUM:** ponedjeljak, 27. 03. 2023. godine  
**VRIJEME:** 16.00 h

**Sjednici prisustvuju:**

1. dipl. pravnik **Una Kulenović**, predsjednica
2. dipl. profesor **Aldina Aganović**, članica
3. dipl. glumac **Adis Mehanović**, član

**ZAPISNIČARKA:**

4. **Selma Tabaković-Jašar**, voditeljica Pravne službe JU BNP Zenica.  
Sjednici, po službenoj dužnosti, prisustvuje i direktor BNP Zenica, **Miroljub Mijatović**.

**Dnevni red:**

1. Usvajanje Zapisnika sa 4. radne sjednice;
2. Kraći izvještaj o realiziranim i planiranim programsko-poslovnim aktivnostima, gostovanjima predstava JU BNP Zenica, kao i pripremi XXII Festivala bh. drame. - *izvjestilac*: direktor JU BNP Zenica;
3. Donošenje Pravila JU BNP Zenica nakon Zaključka osnivača broj: 02-45-1373/23 (br. JU BNP Zenica: 77/23);
4. Usvajanje Plana javnih nabavki za 2023. godinu;
5. Usvajanje Izvještaja o radu JU Bosansko narodno pozorište Zenica za 2022. godinu uz Zaključak o ocjeni rada direktora;
6. Informacija o dostavi Obavijesti broj: 233/23 zakupcu - Udruženje građana Centar za edukaciju, promociju i afirmaciju djece i omladine „Umjetnost - Ars“ Zenica;
7. Informacija o projektu sanacije ravnog krova na objektu JU BNP Zenica, u skladu sa namjenskim sredstvima Grada Zenica, ZDK i Federacije BiH za 2023. godinu - *izvjestilac*: direktor JU BNP Zenica;
8. Informacija o utvrđivanju površine prostorija Kabare kluba nakon vraćanja istih u prvobitno stanje - *izvjestilac*: direktor JU BNP Zenica;
9. Informacija o parking prostoru ispred službenog ulaza u zgradu JU BNP Zenica - *izvjestilac*: Adis M., član Upravnog odbora JU BNP Zenica;
10. Prijedlog za donošenje Pravilnika o načinu vrednovanja i uslovima nagrađivanja rada radnika i Pravilnika o javnim nabavkama roba, usluga i radova;
11. Razno.

1. Usvajanje Zapisnika sa 5. radne sjednice

**ZAKLJUČAK:** Upravni odbor JU BNP Zenica jednoglasno usvaja Zapisnik sa četvrte radne sjednice, koji je prethodno dostavljen elektronskim putem.

2. Kraći izvještaj o realiziranim i planiranim programsko-poslovnim aktivnostima, gostovanjima predstava JU BNP Zenica, kao i pripremi XXII Festivala bh. drame - *izvjestilac*: direktor JU BNP Zenica;

**ZAKLJUČAK:** Direktor JU BNP Zenica obavještava Upravni odbor da je 03. februara premijerno izvedena nova predstava za odrasle “Grobница za Borisa Davidovića” u režiji Zlatka Pakovića, a



predstava za djecu "Avanture malog Zvezdana" u režiji Željka Miloševića realizirana u okviru DOL scene, premijerno je izvedena 03. marta 2023. godine.

Trenutno je u pripremi nova predstava pod nazivom "Drama o Mirjani i ovima oko nje" prema tekstu autora Ivora Martinića iz Splita i u režiji Nermina Hamzagića, čija je premijerna izvedba planirana za 27. april 2023. godine. Nakon premijerne izvedbe ove predstave, planirano je upućivanje prijave za učešće na festivalu "Marulićevi dani" u Splitu.

Naredni planirani projekat jeste "Sve je to iz kuće" u saradnji sa dramaturginjom Eminom Omerović i mladom rediteljicom Ajlom Bešić.

S obzirom da je 27. marta 2023. godine objavljen poziv za apliciranje na Program sufinansiranja zapošljavanja u organizaciji Federalnog zavoda za zapošljavanje, JU BNP Zenica aplicirala je za radni angažman dva pripravnika, odnosno pomenute rediteljice Ajle Bešić i Mirana Kuduzovića, sa Akademije likovnih umjetnosti Sarajevo, odsjek - produkt dizajn, za stručno osposobljavanje za poslove scenografa/kostimografa. Član Upravnog odbora Adis M. takođe naglašava da je već čuo pozitivno mišljenje o mladoj rediteljici.

Ukoliko sredstva po ovom pozivu budu odobrena, planirano je zaključivanje ugovora u trajanju od jedne (1) godine.

Što se tiče pripreme XXII Festivala bh. drame, izabrana selektorica Tanja Miletić-Oručević trenutno gleda predstave. Rok za prijave na Konkurs za najbolji bh. dramski tekst je okončan i trenutno je u fazi imenovanje članova žirija za provedbu postupka izbora.

Upravni odbor JU BNP Zenica prima na znanje dostavljene informacije.

**3. Donošenje Pravila JU BNP Zenica nakon Zaključka osnivača broj: 02-45-1373/23 (br. JU BNP Zenica: 77/23);**

**ZAKLJUČAK:** Na osnovu prethodne saglasnosti osnivača - Grada Zenica, broj: 02-45-1373/23 od 24. 01. 2023. godine, Upravni odbor donosi nova Pravila JU Bosansko narodno pozorište Zenica, koja stupaju na snagu osmog dana od dana objave na Oglasnoj ploči.

**4. Usvajanje Plana javnih nabavki za 2023. godinu;**

**ZAKLJUČAK:** Upravni odbor JU BNP Zenica, na prijedlog direktora, jednoglasno usvaja Plan javnih nabavki za 2023. godinu.

**5. Usvajanje Izvještaja o radu JU Bosansko narodno pozorište Zenica za 2022. godinu uz Zaključak o ocjeni rada direktora;**

**ZAKLJUČAK:** Upravni odbor JU BNP Zenica jednoglasno usvaja Izvještaj o radu JU Bosansko narodno pozorište Zenica uz napomenu da se u svrhu naplate dugovanja prema pravosnažnoj presudi u predmetu protiv tuženog Cabaret d.o.o., pokrene izvršni postupak.

Član Upravnog odbora Adis M. obavještava prisutne o razgovoru sa nadležnim licem iz gradske uprave, radi rješavanja statusa JU Bosansko narodno pozorište Zenica, u saradnji sa resornim Ministarstvom ZDK. U tu svrhu planirano je formiranje posebnog tima pri Vijeću Grada Zenica, a dobra prilika za pokretanje te inicijative jeste prilikom usvajanja Izvještaja o radu na sjednici Vijeća.

U narednom periodu očekuje se dobivanje odgovarajućih informacija i održavanje radnog sastanka, radi pokušaja rješavanja dugogodišnje problematike.

**6. Informacija o dostavi Obavijesti broj: 233/23 zakupcu - Udruženje građana Centar za edukaciju, promociju i afirmaciju djece i omladine „Umjetnost - Ars“ Zenica;**

**ZAKLJUČAK:** Direktor JU BNP Zenica dostavlja informaciju da je Udruženju građana Centar za edukaciju, promociju i afirmaciju djece i omladine „Umjetnost - Ars“ Zenica, odnosno baletnom studiju, upućena Obavijest broj gornji u kojoj je navedeno da je protekom vremena na koji je zaključen, prestao sa važenjem Sporazum o dugoročnoj poslovno-programskoj saradnji i umjetničkom



partnerstvu (broj: 153/22 od 25. 02. 2022. godine). U Obavijesti je data i napomena da dugovanja Udruženja „Umjetnost-ARS“ na ime mjesečne zakupnine po prethodnim ugovorima o zakupu, zaključno sa 31. 12. 2022. godine iznose =12.200,00 KM, a na ime troškova električne energije =2.660,52 KM (prema Sporazumu), što ukupno čini iznos od =14.860,52 KM.

Član Upravnog odbora Adis M. ističe i problem buke koja dolazi iz prostorija koje koristi baletni studio, dijelom zbog nedostatka posebne zvučne izolacije, a što ometa redovan rad na scenama JU BNP Zenica, čemu svjedoči posljednji slučaj tokom proba za predstavu „Grobница za Borisa Davidoviča“.

Članica Aldina A. takođe smatra da su navedeni prostori potrebni i JU Bosansko narodno pozorište Zenica.

Predsjednica Una K. ističe i problem neisplaćenih zakupnina i redovnih dugovanja na ime troškova električne energije.

U skladu sa prethodnim, Upravni odbor jednoglasno zaključuje da nisu ostvareni uslovi za nastavak saradnje sa Udruženjem građana Centar za edukaciju, promociju i afirmaciju djece i omladine „Umjetnost - Ars“ Zenica, zbog nepoštivanja odredbi i neispunjavanja obaveza iz Sporazuma o dugoročnoj poslovno-programskoj saradnji i umjetničkom partnerstvu (broj: 153/22 od 25. 02. 2022. godine), član 2., te isti neće biti produžen. O prethodnom Udruženje „Umjetnost – ARS“ Zenica će biti posebno obaviješteno.

**7. Informacija o projektu sanacije ravnog krova na objektu JU BNP Zenica, u skladu sa namjenskim sredstvima Grada Zenica, ZDK i Federacije BiH za 2023. godinu, uz upućivanje dopisa u vezi sa demontažom postojećih gromobranskih instalacija - izvijestilac: direktor JU BNP Zenica**

**ZAKLJUČAK:** Ovim putem direktor JU BNP Zenica dostavlja informaciju da je u svrhu pokretanja postupka javne nabavke u projektu sanacije ravnog krova JU BNP Zenica, Budžetom Grada Zenica za 2023.godinu predviđen iznos od =1.000.000,00 KM, Budžetom Zeničko-dobojskog kantona =450.000,00 KM i na osnovu aplikacije koju je uputio osnivač, namjenska sredstva od Federacije BiH u iznosu od =150.000,00 KM. Ukupna procijenjena vrijednost radova iznosi ≈1.500.000,000 KM.

Provedbu postupka javne nabavke preuzima Grad Zenica i isti će biti objavljen uskoro. Radovi bi trebali otpočeti do ljetnog perioda i trajali bi okvirno 3-4 mjeseca, te isti ne bi trebali ometati redovan rad JU BNP Zenica.

Upravni odbor JU BNP Zenica prima na znanje dostavljenu informaciju.

**8. Informacija o utvrđivanju površine prostorija Kabare kluba nakon vraćanja istih u prvobitno stanje – izvijestilac: direktor JU BNP Zenica;**

**ZAKLJUČAK:** Direktor JU BNP Zenica dostavlja informaciju da površina prostorija Kabare kluba trenutno iznosi ≈165m<sup>2</sup>.

Upravni odbor JU BNP Zenica utvrđuje zakupninu za navedeni prostor u iznosu od =1.200,00 KM, s time da bi ista bila isplaćivana 11 mjeseci.

S obzirom na nužna ulaganja u svrhu pripreme za rad objekta, javni poziv za davanje u zakup će biti uskoro objavljen, te proveden u skladu sa odredbama Pravilnika o dugoročnom zakupu prostora, koji će biti dat na usvajanje na narednoj radnoj sjednici Upravnog odbora.

**9. Informacija o parking prostoru ispred službenog ulaza u zgradu JU BNP Zenica – izvijestilac: Adis M., član Upravnog odbora JU BNP Zenica;**

**ZAKLJUČAK:** Član Upravnog odbora JU BN Zenica dostavlja informaciju da će parking prostor tokom radova na sanaciji ravnog krova biti korišten za pristup mašinama Takođe, požarni put na tom dijelu obuhvata prostor 4,5 m od zgrade JU BNP Zenica. U narednom periodu planirano je prema dostupnim informacijama i uvođenje dvosmjerne ulice koja vodi do službenog ulaza u JU BNP



Zenica. Što se tiče parking prostora koji trenutno koriste radnici JU BNP Zenica, planirane su određene korekcije i proširenje, te bi nova parking mjesta bila dostupna uz rezervaciju i nadoplatu. Upravni odbor JU BNP Zenica prima na znanje dostavljene informacije.

**10. Prijedlog za donošenje Pravilnika o načinu vrednovanja i uslovima nagrađivanja rada radnika i Pravilnika o javnim nabavkama roba, usluga i radova;**

**ZAKLJUČAK:** Upravni odbor JU BNP Zenica usvaja za inicijativu za donošenje Pravilnika o načinu vrednovanja i uslovima nagrađivanja rada radnika i Pravilnika o javnim nabavkama roba, usluga i radova, koji će biti dostavljeni na usvajanje na narednoj radnoj sjednici, a prije toga upućeni elektronskim putem članovima Upravnog odbora.

**11. Razno.**

**ZAKLJUČAK 1:** Direktor JU BNP Zenica obavještava da je prema dostavljenoj informaciji o raspodjeli sredstava sa tekućeg transfera Zeničko-dobojskog kantona, od 01. 03. 2023. godine predviđeno uvećanja iznosa vrijednosti naknade za ishranu sa 10,50 KM na 11,61 KM.

Za sada nije planirano uvećanje plaća za radnike ustanova kulture, iako je isto i prema riječima člana Upravnog odbora, Adisa M., itekako nužno, uzimajući u obzir da je visina plaće niža za radnike i radnice u ustanovama kulture.

Član UO Adis M., dostavlja upit o načinu objave informacija na društvenim mrežama o izvedbi drugih gostujućih programa koje nisu u produkciji JU BNP Zenica. Direktor JU BNP Zenica takođe ističe da će biti održan sastanak sa nadležnom službom i radnicima, te je navedeno pitanje svakako predmet rješavanja unutar uprave JU BNP Zenica.

**ZAKLJUČAK 2:** Naredna radna sjednica planirana je za srijedu, 05. 04. 2023. godine u 16 sati.

Sjednica je zaključena u 17.50h.

**ZAPISNIČARKA**

  
Selma Tabaković-Jašar



**PREDSJEDNICA UPRAVNOG ODBORA  
JU BNP ZENICA**

  
Una Kulenović

Zapisnik je sačinjen na četiri (4) numerirane stranice.

Zenica, 29. 03. 2023. godine  
Broj: 276/23